

省志輯·陝西

中國地方志集成

民國續修陝西通志稿(四)

中國地方志集成

省志輯·陝西 ⑧

民國續修陝西通志稿(四)

鳳凰出版社●上海書店●巴蜀書社

圖書在版編目(CIP)數據

中國地方志集成. 省志輯. 陝西 / 鳳凰出版社編
— 南京 : 鳳凰出版社, 2011.3
ISBN 978-7-5506-0275-5

I. ①中… II. ①鳳… III. ①中國—地方志②陝西省—地方志 IV. ①K29

中國版本圖書館CIP數據核字(2011)第036129號

中國地方志集成·省志輯·陝西

著 作 者 本社 編選
責任編輯 王 劍 薛 飛
封面設計 范一辛

出版發行 鳳凰出版傳媒集團
鳳凰出版社(原江蘇古籍出版社)
南京市中央路 165 號 郵編 210009
發行部電話 025—83223462
集團網址 鳳凰出版傳媒網 <http://www.ppm.cn>

印 刷 金壇市古籍印刷廠有限公司
江蘇省金壇市晨風路 186 號 郵編 213200
開 本 787×1092 毫米 1/16
印 張 413.5
版 次 2011 年 3 月第 1 版 2011 年 3 月第 1 次印刷
標準書號 ISBN 978-7-5506-0275-5
定 價 4200.00 圓 (全九冊)

(本書凡印裝錯誤可向承印廠調換,電話:0519—82338389)



民國續修陝西通志稿(四)



楊虎城
邵力子
宋伯魯
吳廷錫

纂修

目錄

第一冊

雍正陝西通志(一)

第二冊

雍正陝西通志(二)

第三冊

雍正陝西通志(三)

第四冊

雍正陝西通志(四)

第五冊

民國續修陝西通志稿(一)

第六冊

民國續修陝西通志稿(二)

第七冊

民國續修陝西通志稿(三)

第八冊

民國續修陝西通志稿(四)

第九冊

民國續修陝西通志稿(五)

續修陝西通志稿卷一百四十三

金石九

唐

蕭勝墓誌 永懷 二文 碑 二石 方一尺三寸 正縱 廣二寸 深一寸 正縱 廣二寸 深一寸

二十方一尺三寸 正縱 廣二寸 深一寸

大唐蜀王故西閭祭酒蕭公墓誌

公諱勝字玄寂東海蘭陵人

梁中宗宣皇帝之孫太尉安平王周柱國嚴之第十三子也豐谷

雕雲騰三傑於星漢金陵王氣軼五馬於天枝爰自綺年已膺茅

社封爲宜陽侯俄而青蓋云歸咸陽起布衣之歎家聲口隕高辛

口口口口口口授散騎郎皇朝爲上輕車都尉蜀王西閭口口口

口賀虛玄立操貞白學綜書府文藹詞林鏤銖珪口脫落塵滓口

物我於臨濠照空有於虛室龍宮之旨無以口口口口口口之口自

續陝西通志稿卷一百四十三 金石九

足符其想信圻岸之金碧爲羽毛之麟鳳然而過鳥忽驚悲風藤

之何促隙駒忽謝怨鶴林之已空春秋七十有四永徽二年八月

十五日遭疾薨于萬年縣之崇義里卽以其年歲次辛亥八月壬

戌朔廿二日甲申窆於萬年縣寧安鄉鳳栖之原嗚呼哀哉山可

移今日難繫海成田兮川而逝因寶口於窮泉振芳聲於來裔其

詞曰 楚國琴響秦時故侯寂寥下位栖遲一丘情涵水月心汎

處舟持運塗盡援桂芳留人事超忽生涯浮脆溢露銷津翻霜實

蒂夕陰先下泉局早閉長夜不追悠然來際 刺史褚遂良書

此石本出咸寧時人因其字似褚河南續刻刺史褚遂良書六

字今原石久逸帖肆所有皆重模本也勝爲梁中宗宣皇帝之

孫太尉蕭嚴之十三子新唐書宰相世系表有嚴無勝得此可

補其缺 文 字 存 遺 中 金 石

慈恩寺聖教序 永懷 四文 年見 王氏金石萃編

字 碑 六 六 尺 三 寸 廣 三 尺 五 分 共 二 十 一 行 行 四 十 二 字

此以序與記分刻二碑于慈恩寺塔下分東西兩龍置之風雨

童牧俱不能及是以能久而不毀后署永徽四年書似不及同

州本 唐 碑 石

聖教序今在西安府南六里慈恩寺塔下序記分兩石東西兩

龍覆之序右行記左行序字差小記字差大蓋序書於永徽四

年十月記書於十二月非一時故也按舊唐書公以永徽元年

進封河南郡公尋坐事出爲同州刺史三年徵拜吏部尚書則

此記乃是同州召還後所作其稱臣者郭胤伯言以御製文非

奉勅書是也序以十月書銜稱中書令記以十二月書銜改稱

尚書右僕射意其代張行成爲尚書右僕射在十月而史不及

續陝西通志稿卷一百四十三 金石九

詳也 文 字 存 遺

萬年宮銘 永懷 五年 見 王氏金石萃編

十 碑 二 不 等 高 七 尺 廣 一 尺 三 寸 深 一 尺 六 寸 行 三 十 七 字 今 在 縣 道 四

碑陰

自 陰 碑 陰 銘 二 十 一 行 本 物 見 從 文 武 三 品 以 上 並 學 士 八 人

萬年宮卽九成宮改名高宗幸而銘之書之也行草視英公碑

尤爲勁拔 石 碑

右唐高宗自爲萬年宮碑宰相而下皆題名於其陰余覽此碑

見長孫無忌褚遂良許敬宗李義甫同時列名未嘗不掩卷太

息以爲善惡如水火決不可同器惟人主能辨小人而遠之然

後君子道長而天下治若俱收并用則小人必得志小人得志

則君子必被其禍如無忌遂良是已然知人帝堯所難非所以

責高宗也

韓仲良碑

碑高八尺五寸廣四尺二分八分少三行行六十字公之志碑

碑上半已漫滅可識者有云上柱國燕國公于志寧撰文門下

錄事王行滿書公諱良字仲良云云按此碑碑首無姓碑文中

書姓處已磨泐不可辨今碑中有獻子輔政云云當姓韓考唐

書韓瑗傳父仲良終于刑部尚書秦州都督府長史今碑與傳

合碑稱韓良字仲良或史以字為名耳其次與諡可以補史

之闕又史稱仲良於武德初定律令碑中不載碑雖殘闕如載

之似應約略可識今竟無之為不可曉也

續陝西通志稿卷一百四十三金石九

呂夫人張氏墓誌

石方一尺四寸縱橫二十四格正書

誌略云夫人諱須摩字善宿南陽人也祖任房州至成府果毅

父任同州馮翼縣令年十六適於呂氏之門以永徽六年三月

四日薨於長安義城里春秋八十有二卽以其月倍葬于混明

之所云云首題大唐文林郎夫人張氏墓誌不著夫家姓氏亦

無書撰人名字體類蕭勝墓志光緒中長安出土

長孫澤墓誌銘

石方一尺五寸二十一行行二十二字正書

大唐故公子長孫白澤墓誌銘

豐人也做胃蟬聯煥乎青簡開基昭晰載炳緹油曾祖澄魏金紫

光祿大夫散騎常侍義門郡開國公器識弘遠風局開濟清貞秉

志直亮居心祖愷隨上開府車騎將軍體鑒凝澈神情峻整道居

人望德表時宗父敬道唐左親衛隊正雅性冲情高自封植不同

臭味無混光塵公子霄氣德精靈靈卯宿道與之性表自翳年天

授之才高乎綺歲九德咸舉百行是享年甫二歲奄丁窮罰恭事

人兄友于惟孝天倫之情既篤在原之美登章時稱千里之駒或

謂連城之寶福虧於善友秀摧華粵以貞觀九年九月五日遘疾

卒於京師崇賢里第春秋一十有六以顯慶元年二月廿六日葬

于萬年縣鳳栖之原禮也嗚呼哀哉惟子皎皎獨韻之姿亭亭不

群之操雅量難測牆刀罕窺痛矣終童嗟乎顏子傷其早逝未聘

高衢以君方之異代同揆兄尉馬都尉榮降王姬貴連戚氏悲棣

華之先落則痛結深吏念荆樹之分枝則長懷靡及爰雕翠琬永

播芳猷乃為銘曰 瑤棟初隆疑堂肇構柯摧未秋景絕方晝此

續陝西通志稿卷一百四十三金石九

焉可贖人百伊壽驚川不息馳陣無舍棄彼小年歸茲大夜照乘

韶彩連城掩價悲經壘首慘結雲端泉閨久夜多戶長寒音容何

在幽石徒刊

按此石光緒末年出土為直隸孫少尉後眉以番餅六枚構得

之後為有力者索去今未詳轉徙何處書法秀逸可愛唐之佳

刻也誌中牆刀罕窺句應卽用宮牆數仞語未寫人旁耳

化度寺僧海禪師方墳記

大唐化度寺故僧海禪師年六十六俗姓劉綏州上縣人也永徽

五年八月十一日卒禪衆以顯慶二年四月八日於信行禪師所

起方墳焉

按此石久逸有重墓本年六十六作六十有六卒之下多一於

字末行又題顯慶三年歲次二月二十五日癸巳建與雍州金

石記所載互有異同不得原本無從證是姑兩存之以備考云

毛氏圖中金石

光明寺大德僧慧了法師銘

銘在西安府城南山百塔寺二十四字正書下方左角缺三十

長安志云此石在百塔寺拜石齋帖賈胡氏云曾赴寺內椎拓

唐碑此石尙存然磨泐大甚矣誌中仙卽佛字

按此石嘉慶初出土金石家皆未著錄塔亦無存云於終南梗

梓谷起塔則知與信行禪師塔相近

杜延基妻薛氏墓誌銘

大唐太子左衛杜長史故妻薛氏墓誌銘并序夫人諱瑤華河

東人也縣宗貴烈疊照摺紳之林勝躅殊聲累冠高華之秀並先

續陝西通志稿卷一百四十三金石九

悼史咸振賦謠近謫令芳可得而略曾祖胃大理卿刑部尙書內

陽文公祖獻工部侍郎泉資定隴四州刺史贈洪州都督內陽穆

公父元假通事舍人朝散大夫行益州晉源令或材挺國楨或譽

標時彥英明相續瓊玕代襲夫人誕靈鴻族育彩瓊田幼資神穎

長而懿淑太子左衛長史上輕車都尉京兆杜延基藉望清華聲

芳寓縣求我令德宜其室家夫人展禮惟勤薦虔誠於蘋藻承夫

思順終克諸於琴瑟美柔芳於懿戚溢惠譽於中閭諒嘉聲維

紅蘭而灑馥亭亭潔操鑒皓月以分暉既而朝露易侵慘沈痾之

遽積隙光過徒愴宵簾之俄空以顯慶二年十一月十二日遭疾

卒時年廿六粵以三年歲癸午十二月一日已酉安厝於少陵

之南原想音容之未遐歎居諸之驟易感人神之方曠痛顯晦之

悠隔嗟鳳去而聲銷悵鸞沈而影寂閱殊美於柔翰寄餘命於貞

石其銘曰

鳥奕高門蟬聯遐祉虹珪交暎文軒疊軌効功垂德

飛芳擅美照灼清猷紛綸細史其餘慶是鸞載誕淑靈溫儀粹行

玉麗蘭馨動容中軌敷辭有經泱華邦族飫美閨庭二始暉朝景

行恣夜壑月掩娥沈星潛落露凋芳秀霜摧豔萼潘悼已深荀

傷可度三靈軒鳳駕素幌晨空霜塗咽泣曉挽鏘風幽局杳謫寒

野蒙籠千秋已矣蓄恨何窮

此石出咸寧縣杜曲文藻清麗字跡秀道唐刻佳品也所載薛

氏祖父官爵名諡均與新唐書宰相世系表合杜延基之名不

見於史傳惟實刻類編有杜延基所造心經總章元年立考總

章元年上距顯慶三年只十一年爲時尚不甚遠則誌中所謂

杜延基當卽其人又安厝之厝作措古字通用也

續陝西通志稿卷一百四十三金石九

杜詞妻崔素墓誌銘

首題大唐薛王友行榮德縣丞杜君故妻博陵崔氏墓誌銘略

云夫人諱素字瑤英博陵人也曾祖慎言工部侍郎祖儀雍州

司戶參軍同州朝邑縣令父延朗左千牛衛將軍甘涼瓜沙四

州刺史以永徽元年二月適薛王友行珍州榮惠縣丞杜詞顯

慶二年三月十五日遭疾卒年二十四卽以其年七月廿七日

安厝於耀州三原縣之北原云云

王居士塋塔銘

向在西安府城南白塔寺今爲墨客取去金石文字記云近出

終南山梗梓谷中乃明末出諸土者出土時石已裂而爲三其

終南山梗梓谷中乃明末出諸土者出土時石已裂而爲三其

終南山梗梓谷中乃明末出諸土者出土時石已裂而爲三其

終南山梗梓谷中乃明末出諸土者出土時石已裂而爲三其

大唐王居士磚塔之銘上半截五行已無存矣其靈芝製文敬客書下半截五行又裂而為四其磬求彼岸十一行又裂而為三下截亡五十字此碑盛行於世摹臨翻刻者不下十餘處較之原碑不啻霄壤第碑裂而為七又亡去百二十餘字僅存者其能久乎故記之以備考

金石錄卷之四

此石本出長安縣梗梓谷中後為一郃陽帖賈攜去弟兄數人爭此石因碎為七訟之官官納於庫今存其五在郃陽縣庫中其全文完好者重摹本也唐人墓誌塔銘書法秀逸以此為最惜全石拓本不可多得矣五石中一石較大後刻蘇東坡七言絕句一首係行書

文字毛氏題中金石錄卷之四

按王居士名公篤信釋氏用浮屠之法沒後收骸起磚塔納誌石於其中王氏金石萃編以為增刻誤矣

續陝西通志稿卷一百四十三金石九

七一

馬處士墓誌銘

唐文編卷之三

石方二尺八寸五分

大唐馬處士墓誌 處士諱壽字長壽扶風人也高祖達梁荊州

刺史曾祖賢周河南縣令祖方儀同勳衛校尉自趙城開國馬服分宗緬諸前典盛緒斯在暨紗帷垂範銅柱標勳鬱矣家聲播而無泯處士誕生華胄情疏俗務依藝遊仁邈為高蹈博該墳典振荷川之遺風立性無愠遇裴遐之寬雅繁華始茂奄悴嚴霜福善無徵俄隨朝露春秋二十有七顯慶三年九月七日寢疾物故於京邑私第即以其月十八日葬京城南杜陵原之崗禮也二親哀纏紙憤痛碎明珠撫輓摧懷倚門何望玄泉既啟黃腸已裁勒斯貞石銘諸夜臺嗚呼哀哉乃為詞曰 英明處士卓犖伊人智周於物德潤其身志希高尚心研典墳歟思靡怠流麥漂動俄驚逝

水遠逐遊魂卜雙云備儀葬實陳玉狗司夜金雞御晨一局泉戶千載無春 顯慶三年九月十五日

皇甫文欽墓誌銘

唐文編卷之四

石方一尺四寸四分

唐故吉州廬陵縣丞皇甫君墓誌銘并序 君諱弘敬字文欽京

兆杜陵人也微子以至德啟基宋段以功高命氏爰泊漢晉代有其人祖諱德隨任普州刺史懿範清規每懷冲虛之道安排聖偶不以毀譽形言父諱良隨任同州長史贊鳥旗於千里惠化周通展驥足於百城威風遐暢君名曾非齒譽妙於年處鄉閭以翔英入圓豈而驚韻釋褐齊王府執乘晨臨修竹御浮雲於碧枝晚映曲池驟流水於翠微故得聲敷藩底績簡文昌改授廬陵縣丞毓黎氓於江介方輔茲製錦冀百里以刑清貳彼鳴弦庶一同而教

續陝西通志稿卷一百四十三金石九

八一

肅與善茫昧遘疾彌留以顯慶四年十月十五日終於休祥坊之第春秋五十五其月三十日葬於龍首原隆安之里隣春輟相悲玉水之揮泉行旅不哥鯁瑤峯之落嶠勒銘玄石永樹芳徽其詞曰分珪疏德析壤責明時殷朝彥代昇人英賢策流美徵豪滋馥遽閱黃墟窮窮朱轂輶迴美路口落塹門風招淒暮景霜龍慘歸魂

董君夫人戴氏墓誌銘

唐文編卷之四

石方一尺四寸四分

唐故朝請大夫董君夫人戴氏墓誌銘 夫人諱滿譙郡人也唯

祖唯父高涉華庭乃戚乃親芳之帝里因官遷播流寓雍州既稱崇基蟬聯不絕亦其鴻源遠派澣日浮天不緒扶疏千雲蔽月夫人稟性溫柔婉春雲而等潤淑情貞潔將秋月以齊明豈謂嬰痼

經祠奄從窀窆以顯慶四年歲次己未口月戊申朔廿五日壬申卒於長安縣弘安鄉嘉會坊私第春秋六十有二卽以其年四月丁未十四日庚申葬於城西龍首原上禮也將恐陵谷遷移餘芳莫傳刊於琬琰記其令德其詞曰 猗歟戴氏鴻源茂隆誕生令淑克繼家雄潤等雲澤貞方月融寧期恍惚不盡遐終一隙難留尺波易擲豈悞忠貞奄從窀窆均野冥冥泉宮寂寂顯晦斯殊徒追痛惜

按此石最近出土爲長安段氏購得書法摹仿登善亦唐刻之佳者惟其文既不叙戴氏三代亦不詳董君名字與履官且不及子息有無不可解

豆盧遜墓誌銘

石方一尺八寸 廣三十二 正書 在咸陽縣

續陝西通志稿 卷一百四十三 金石九

九一

誌云迄於萬年縣少陵原案此石今爲三原北城李氏家藏字跡挺秀

豆盧遜墓誌題曰故尉馬都尉尉尉少卿息豆盧君遜無爵而以父爵統之可爲碑版起例

路詮墓誌銘

六年

此誌近出咸寧文字均有可觀惜磨泐已甚惟其祖父官爵尚可辨認又誌云薨於州府正寢春秋六十有三以顯慶六年二月口口口十九日甲申遷窆於萬年縣少陵原禮也此三十五字亦可辨其餘均類無字碑矣誌前題銜其姓適當缺處因誌中有漢飲元圖功參伏波之語係用漢書伏波將軍路博德事而路氏郡望實出平陽也因以新唐書宰相世系表考之詮之三代官爵均列路氏表中與鄴見恰合爲之一快故定爲路氏

云 文字 氏 中 金石

張周醜造像記

二年 見 陸氏 金石 續編

石 高八尺 廣二尺六寸 四十一行 行十字 正書 在扶風縣

此石刻名者二十四人名再見者四人三見者一人云十七人者指董浪苟以下稱佛弟子者是也皇帝皇字接寫管作卷邪作耶善作薛並誤石在扶風縣關帝廟與法門寺相近關中金石記宣字訪碑錄亦皆未載

同州聖教序

三 文 同 前

碑 高九尺 廣一尺五寸 分 四尺六寸 二十九行 行五十八字 太 康 寺 雁 塔 下 褚 書 聖 教 序 序 記 各 爲 一 碑 此 碑 有 序 無 記 亦 無 兩 答 敕 末 書 大 唐 褚 遂 良 書 龍 朔 三 年 建 公 以 顯 慶 二 年 徙 桂 州 未 幾 貶 愛 州 刺 史 歲 餘 卒 則 卒 在 顯 慶 三 年 時 年 六 十 有 續 陝 西 通 志 稿 卷 一 百 四 十 三 金 石 九

續陝西通志稿 卷一百四十三 金石九

十

三其爲同州刺史年纔五十餘耳先是高宗永徽元年公坐事出爲同州刺史四年九月復爲尙書僕射雁塔之刻固直其時若同州之刻乃在龍朔三年是時公去同州二十一年而距公之卒亦二年有餘蓋爾時梵策西來朝野動色皆謂得未曾有競相傳寫公之所書自非一本留傳在同州後人重其書法之工與風節之峻故歿而猶刻之惟公已被竄逐故雁塔本結銜于序書中書令臣於記書右僕射上柱國河南郡開國公此僅書大唐褚某蓋官階削去刻者不敢仍其舊且此一行孫氏鑲斥爲拙滯蓋後人所增非褚筆也公貶同州刺史何以書於卒廟尤不可解王氏世貞及孫氏謂雁塔同州皆屬重摹本此三碑曾親至其下拂拭而摩挲之石最堅雁塔更甚迄今光澤如鏡原刻無疑可以破耳食之謬

按同州以序記合刊一碑不似雁塔之序記各為一碑較集右
軍書少謝表與答勅耳而金石萃編謂為有序無記亦無兩答
勅殆誤於一碑而未詳讀其文爾

道因法師碑

碑高九尺四寸廣四尺一寸三十分行在西安府學碑林
文歐陽通正書額題四尺一寸三十分行在西安府學碑林

蘭台父子齊名號大小歐陽然率更世傳數碑而蘭台止存一
道因碑率更楷法源出古隸居唐楷第一而蘭台早孤購求父
書不惜重資力學不倦作書每用批法蓋學其父也

此碑上書三菩薩名字與碑文大小略同審之亦通筆也前人
並未著錄

並未著錄

濟度寺尼蕭法願墓誌銘

石方二尺三寸廣一尺一寸三十分行在西安府學碑林
字正書今在西安府學碑林

續陝西通志稿

卷一百四十三 金石九

十一

按漢書諸侯王功臣外戚諸表玄孫之子即為六世孫為梁武
帝之玄孫而其女稱六葉孫蓋從漢表之例也瑀好浮屠法嘗
請於太宗欲捨家為桑門自度不能為乃止而其女及女孫相
繼出家於濟度寺蓋瑀之志也

李文墓誌銘

石高廣均在同州府分金塔橋二十
四格正書今在西安府學碑林

此銘不著書撰人名氏然文特瘦削語不煩而意足與王居士
博塔銘同疑亦是上官靈芝撰書法瘦勁得褚公筆意亦與博
塔銘同則知亦敬客所書二碑一在顯慶元年丙辰一在永徽

二年辛亥相去不過五六年其時同其書又同則知的敬客書

無疑特當時未嘗下歎而敬客書名不著故知之者少耳

按博塔銘明署顯慶三年十月十二日李文墓誌明署麟德元

年十二月而盧舟跋謂顯慶元年永徽二年不知何據

越州都督于德芳碑

于志實撰文書季分書原在三原縣三家店

梁夫人成氏墓誌

石方一尺四寸廣一尺一寸三十分行在西安府學碑林

大唐功曹參軍梁君故夫人成氏墓誌 夫人諱淑雍州渭南縣

主簿第三女成肅公之後也原夫激瀾姬水架瑤滋於崇宗分組

漢京斷銀章於華轅曾祖璵隨任濟州東阿縣長祖貴唐任蘭州

永壽縣令咸以芳渙五陵飛雲柯以切漢聲雄百里曳花綬以交

軒夫人承麥洛月誕魄巫雲溫淑凝懷幽嫻協操室善中積交百

兩而妻高陽官鏘外昭騰六行而嬪通德孰謂奄捐潘簾隨寶婺

而沉星濫謝秦樓伴金娥而上月春秋廿有二以麟德元年十二

續陝西通志稿

卷一百四十二 金石九

十二

月二日卒於隆政里嗚呼哀哉即以其月十一日殯於終南山樅
梓谷之阿乃為銘曰 賢條吐秀冕路楊聲三綱約美四德凝貞
嬪則凝闈閨序克明降年不永頽日遽傾秦樓黯照口宇口形風
催曉髮霧卷晨旌路口口野地沒泉局斯今勒琰終古芳名

燕國公子志甯碑

碑高九尺七寸廣四尺四寸四十分行在西安府學碑林
北五十里三家店

雍州金石記云在三原縣北五十里三家店關中金石記云在

三原縣長坊鄉此碑在唐碑中結構最小而楷法極為精整

楊智積墓誌銘

石方二尺廣一尺一寸三十分行在西安府學碑林

此為試讀，需要完整PDF請訪問：www.ertongbook.com

什禁聞夕靜氛寢武陟影汴水亡魂身死王事流芳後昆勵父

李孝同碑
咸亨元年
王
張
金
不
可
能

諸君思緒正當家額今在三年原縣北白鹿原又名三峯店

孝同者淮安靖王神通之子史但附名神通傳末碑亦磨泐可讀者才半中有云太宗為秦公孝同隸焉承間啟王曰秦公瞻視非常功業又大雖非儲貳必膺寶歷靖王心然之云云此亦可為先見矣撰文姓名已不可求書者據趙明誠為諸葛思楨今亦磨泐但其筆法虬健波拂處大類褚河南可寶也

李府君夫人王氏墓誌銘

此誌本出咸寧今未詳所在矣方輿紀要引通釋云白鹿原在咸寧縣東二十里相傳周平王時有白鹿遊此因名誌中白鹿山即白鹿原也

溫室洗浴衆僧經

案此刻字徑一寸共六十行行二十三字首題佛說溫室洗浴

續陝西通志稿

卷一百四十三

金石九

衆僧經末署咸亨二年惟首三行完全餘行磨泐字體秀逸方

整唐刻之佳者在邠州大佛寺古剎鄙遠從來金石家皆未著錄近日葉氏石室錄載之甚詳但所收刻甚夥止造像題名兩種茲錄文字整飭者其餘牘文殘字概從刪弃

集石軍書聖教序

碑八十八尺四寸四分廣四尺二寸四分高四尺二寸四分

自唐以來士林甚重此碑匪直興福寺隆闡法師等碑為顯效其體即李北海張司直蘇武功亦皆從此奪胎自有院體之目於是光纖遂殺以故宋元以來黃米諸巨手皆弗道及獨宣和書譜黃長睿始為此吐氣耳至有明宏正間士大夫始復重此碑購求一紙往往傾囊倒篋以為難得雖已斷者購之猶數十

金蓋至於今二百餘年而聖教石刻遂至斷闕剝蝕幾於無字可尋矣

玄裝以貞觀元年遊西域十八年始得還國經典六百五十七部奉敕於宏福寺翻譯玄奘表求御製經序凡再請乃許焉二十二年序成命宏文館學士上官儀於明月殿對群僚讀之玄奘奉敕陳謝賜敕褒答已而皇太子復為撰記玄奘啟謝東宮亦賜教答褚王所書惟序與記耳此復附以答教及教并心經於後蓋右軍真跡世不多有而集古人書愈多則愈難此懷仁之以多自誇也舊唐書玄奘傳顯慶元年高宗令左僕射于志寧侍中許敬宗中書令來濟李義府杜正倫黃門侍郎薛元超等共潤色玄奘所定之經國子博士范義顯太子洗馬郭瑜宏文館學士高若思等助加翻譯此碑列潤色諸臣名獨無杜正倫不知何故也

何處士墓誌銘

卷一百四十三

金石九

大唐故何處士墓誌銘 君諱禪字元慶楚國廬江人也若乃黃星表慶仙臺懋其成績玄石開符玉署光其粹範昌源九派

曾構百常必復箕裘之資實標冠冕之望曾祖休嗣隨振武將軍汝南郡守祖光畏滕王府諮議參軍事東郡但風聲流別扇西園明月色泛仙豪父慈文林郎毓性煙霞隱居朝夕非有土牛之滯將祈木雁之間君鳳穴來儀驪泉薦寶長河千里喬松百仞思口玄壯夙成無悶之姿心會虛舟已得自然之性出處齊致寶兩捐門植五株連開三徑仲長林沼符隱士之嬉遊叔夜琴樽狎幽人之賞託豈期聲喧閭閻蟻影泛懸繩與夕景而俱沉隨夜舟而遂

往以大唐咸亨三年歲次壬申庚寅朔七月十八日丁未終於長安義寧里之私第春秋四十有七即以其年八月己未十四日壬申遷厝於雍州明堂縣畢原禮也平原超忽幽越蒼茫轉愁雲於素蓋振悲風於白楊佳城未曉厚夜何長庶金石之永固紀蘭蕙之餘芳其銘云 翦鵝華甸疏龍輿壤山水多奇風雲異賞英靈豐謫琳瑯振響道光殷築才高魏綢狗歟君子早承門慶霜動情鋒日華心鏡獨梁可涉虛舟靡競盛德不羈曾勞遠映是非顯晦出處朝市稽康竹林蒙庄秋水德無門達人知止自狎芝蘭無言桃李昔聞愴別猶傷岐路況此言離長捐丘墓風銷華燭日晞仙露膝室不開昊天誰訴

裴可久墓誌銘

咸亨四年

石方一尺一寸十四行行十五字正書

續陝西通志稿 卷一百四十三 金石九

十七

大唐故左親衛裴君墓誌銘 君諱可久字貞遠河東聞喜人也祖勣衛尉少卿邢州刺史翼城公父居業梁州都督府司馬

君擅美藍田虹光綉彩標奇渥水龍友呈姿見賞通人知名先達選補國子生俄轉左親衛既而魂驚大夢運迫小年夏首西浮徒切思歸之望邯鄲北走永絕平生之遊咸亨三年七月廿八日遘疾終於襄陽春秋廿五粵以四年歲次癸酉二月丁巳朔廿九日乙酉窆於京兆之朱坂其銘曰 卿相舊門公侯子孫荷戈運否離經道存佳城俄寂夜臺寧曉獨有仙禽空遊華表

此誌同治時出於咸寧今未詳所在矣可久爲東眷裴氏其祖父之名均見新唐書宰相世系表惟表作裴熙勣誌作裴勣爲小異耳誌云窆於京兆之朱坂案咸寧縣南鄉金澤澤有朱坂村或曰漢丞相朱博故里未知即朱坂否

文毛氏 石

朱遠墓誌

咸亨四年 石高二尺三寸廣二尺二寸十四行行二十二字正書

大唐故道王府典軍朱公墓誌

並序

公諱遠字元通若夫峙茂族於陽陵聲高俠窟植華宗於沛國業峻儒宗是以貞宣易名勝士林而結誦文忠考行振家葉而連芳代襲珪璋門傳紱冕曾祖廣鎮軍大將軍神窮豹略藝治隼埔恢七校之宏謨闢三門之秘術祖綽齊洛州長史升榮展驥底績効於康庄奉職題輿令問顯於輦轂父寬隨鳳州司馬卷舒人野之際隱不違親道遙得喪之間貞不絕俗公騰驥浦風標千里之姿濯耀驪宮早發十城之價禮而後動苞五本而潤身謙以自居蘊四美而光德暨乎解巾

捧檄挹投翰之雄圖攬轡升車篋調蟲之小技俄而擢拜絳州同鄉果毅趙冠耀首越劍文腰神交黃石之符訓治青巾之侶固已

續陝西通志稿 卷一百四十三 金石九

十八

望華蘭綺聲重羽林三臺推殉國之功六郡掩干城之譽於是皇枝列壤資武略以恢藩蒂葉分珪佇戎昭而肅邸遂轉公爲道王府典軍風驚楚澤時陪鴈沼之遊月上梁園屢奉猿巖之宴既而光衰捕柳景謝桑榆固中匪石之所願展揮金之樂萬里封侯之願終屈志於風雲百齡遷壑之期遽纏悲於霜露以咸亨三年九月廿五日卒於大賢里之私第春秋七十有五即以四年二月廿八日遷葬於咸陽之原禮也長局萬古終寂矣於滕公永託九原空流漣於隨會嗣子護任三原縣天齊府左果毅哀纏霜帖款結風枝撫松劍而無追瞻楹書而靡託敬刊沉石永播芳聲其銘曰 慶發指河祥開鑑日譽宣蘭檻威橫石室矜人誕命荷茲隆吉逸志請纓壯心投筆策名羽校委質戎筵飲石餘勇揮金暮年光賢碓路影謝高泉山悲夜月隴思寒烟 咸亨四年二月廿八日

按此誌未詳所在因其葬地在咸陽故屬之咸陽云爾道王名

元慶高祖子見新唐書高祖諸子傳絳州同鄉府之同新唐書

地理志作桐蓋音同字異也天齊府亦見三原縣齊士員造像

記毛氏圖中金石

按誌中綴冕作紬冕雕蟲作調蟲蒲柳作捕柳玳筵作玳筵末

又特書咸亨四年八月廿八日均爲他誌所無

韓寶才墓誌銘咸亨四年見黃氏古誌石華

石方一尺二寸十二行行十三字正書

今在西安府學碑林案此石尺寸甚小字迹亦頗挺秀原石恐

爲人攜去今所存疑贋本也俟與方家共證之毛氏圖中金石

劉守忠墓誌銘咸亨五年見陶晉巖石記

石方一尺八寸二十二行行二十三字第十五行二十四字正

續陝西通志稿卷一百四十二金石九

十九

誌略云君諱守忠字高節楚國彭城人也曾祖和秀映嵇林彩

韜潘璧祖延隋西平郡化隆縣令父捧杞王府記室君以咸亨

五年七月廿一日遘疾終于崇仁里第春秋卅卅卅卅卅卅卅卅

甲戌八月壬寅朔十三日庚寅遷窆於高陽原子元良志誠云

云此石今藏渭南趙氏攷通鑑目錄唐高宗咸亨四年歲次癸

曾上元元年歲次甲戌高宗紀上元元年八月壬辰始改元此

誌刻於改元前三日故仍用咸亨之號此誌書法秀勁頗似歐

褚惜磨泐矣若得精拓本則手神韻致尙可十得八九焉毛氏圖中金石

存金石考文字

按此石光緒二十八年歸於陶齋

王君夫人柏氏墓誌銘存元二文見陶晉巖石記

石高十一尺四寸三分廣一尺四寸

誌畧云夫人雍州乾封人也曾祖等號批芒星緯毓慶雲枝父

義通任秦州上邽令夫人則柏明府第三女也以上元元年歲

次甲戌八月戊寅朔廿二日己亥寢疾終於醴泉里第春秋七

十有一卽以其年八月廿九日權殯於長安城西一十五里高

烽原禮也子安仁等云云此石原藏渭南趙氏書法清婉得

歐褚遺意唐之佳刻也又有重模本則遜原刻遠甚矣誌云夫

人雍州乾封人新唐書地理志總章元年析長安縣地置乾封

縣長安二年省此誌作於上元元年在總章之後長安之前故

有乾封之號毛氏圖中金石

按此石光緒二十八年歸於陶齋惟藏石記以此誌屬於肅宗

之上元其跋尾云唐書地理志長安縣總章元年析置乾封縣

長安二年省夫人卒於上元元年此雍州及乾封之名皆已省

續陝西通志稿卷一百四十二金石九

二十一

改若溯夫人生時之州縣書之則於文章之例似有未合是第

知肅宗有上元之號不知高宗已有上元之號陶齋豈未之深

考耶

秦皇觀基浮圖銘上元二年見李伯所撰碑誌

金石文字記云此當在華山西峯而今不得其處基字不諱而

文有匈奴口獵關塞口清越裳奉贊風塵不驚知其爲前上元

也毛氏圖中金石

馬君夫人令狐氏墓誌存元二文見陶晉巖石記

按誌刻於甌方一尺一寸首題右金吾將軍馬君夫人檄煌令狐

氏墓誌略云夫人其先出自周文王子畢公之苗裔也其後晉

侯賜邑令狐因以命氏王莽篡漢將軍邁匡復漢室爲莽見敗

子孫避難燉煌因爲燉煌人曾祖文軌汾州長史祖思拯利州

嘉川令父同祗蘭州金城令春秋十九歸于馬氏以上元二年七月廿二日終於私第春秋五十有子二人曰文質曰文贈以元年建子月廿一日措於岐山陽口鄉三時原禮也攷誌中元年當屬儀鳳元年即上元二年之次年建子月十一月也三時原當即三時原之訛

陀羅尼經幢

儀鳳元年書

涇陽縣志云在縣屬石莊村大道邊字跡模糊毛氏圖中金石同官縣武定村造阿彌四面像銘毛氏圖中金石

今在同官縣張懷志無書名而書法流麗可玩舊拓本有儀鳳三年字新拓則無蓋下截已爲人斲去數字矣毛氏圖中金石亡宮六品墓誌銘儀鳳元年毛氏圖中金石文字存考

按此石原出長安今久逸矣誌銘共一百七字綉麗簡明的是續陝西通志稿卷一百四十三金石九 二十一

唐初文字

管眞墓誌

開元元年

八寸七分行五寸九分正七寸

大口口口口都督上柱國口口郡開國公孫管眞墓誌 諱眞城陽人也顯慶四年八月廿日終于私第春秋卅有二以調露元年十月十四日收骨於鵝鳴埠禪師林左起塔

按此石除首行題銜外僅四十五字云諱眞某處人終于某日某處年若干於是收骨於鵝鳴埠誌之最簡畧者惟題銜曰孫管眞誌曰諱眞有異鵝同鳴此石本出長安今久逸矣毛氏圖中金石

文字存

按此誌云諱眞則眞其名管其姓也誌內未敘勳官則無位可知而題銜云都督上柱國開國公是追述其祖之官爵以著閥

閱也與皇第五孫女墓誌暨豆盧遜誌題駙馬都尉息張安誌題上柱國張君第五息同一例毛氏泥於孫姓以諱眞爲疑殆未達此例耳此石後歸陶齋

張仁墓誌

開元元年

橫石方二尺三寸五分

大唐故辰州辰溪縣令張君墓誌并序 君諱仁字義賓南陽西鄂人也粵若祥禽翊景襄城參問道之遊瑞獸披圖天帳薦圉橋之册博通群籍對亡書於鼎川誠洞幽微辯章祠於瑣浦曾祖蒿隋貝州清河縣令祖生沙州錄事參軍父寬稟性清虛不希榮祿無爲戰勝賦潘岳之閑居空觀坐忘詠嗣崇之襟抱遂使揚雄寂寞不謝卿相之尊梁竦清高恥從州縣之職惟君傳鈞鑾慶落印開祥龍節孤標韻黃鐘於解谷鳳條危聳輶白雪於朝陽隱隱詞續陝西通志稿卷一百四十三金石九 二十二

峯滔滔學海孔仞成半丘之士黃陂爲尺賦之口爰自弱齡光茲筮仕解褐任太倉丞秩滿遷辰州辰溪縣令涵牛大鼎烹小鮮於一同舞鶴青琴播絃歌於三善冰壺湛照水鏡凝清戒三惑於機前銘四知於座右日者南中逆節微外虧恩衆餘孽於群邪照朗燧於苞滿以君文武兼備奉律翼行師不踰時殄茲兇醜是用授公上護軍持節優錫然則絳灌英謀下車慙撫字之術捕密佳政揚麾立禦侮之功兼而有之實惟君矣鴻漸于陸希參鶴鼎之榮鯨波不留遽兆夢鷄之靈以儀鳳二年八月十日春秋六十有二卒于辰州辰溪縣官第以調露元年十月廿三日葬于高陽原惟君忠孝稟天仁義成性芳留桂岳澤潤蘭泉滑稽口口之口藻績卿雲之筆既而青旌塵錫白玉淪光勒芳徽於玄壤將地久兮天長其詞曰 孕靈軒系命氏星弓珠胎產月玉浦暉虹龍生瑞渥

風下猗桐彼美之子實代之雄誕秀公族毓粹卿宗邁文邁武出孝入忠丹青國化幹盤門風敦詩復禮善始令終補密清政仁治道豐采繹春秀鑒明秋泚學擯垂帷才優閭市文峯千仞詞瀾萬里繁露較申談玄鳳峙南鄉金玉西巖杞梓日薄崦岫波驚地紀與善無實夢袂斯口風結松郊雲愁隨趾鏤芳徽於泉戶庶無昧於年祀

此石今在關中書院字跡秀逸文亦駢儷可誦唐初佳刻也長安縣志圖高陽原在城西焉

王君夫人祿氏墓誌

文見西華縣志

行石方一尺六寸

誌略云夫人粵以永隆元年十一月廿七日卒於崇賢之里春秋七十有七卽以永隆二年二月九日合葬于京城南洪固鄉

續陝西通志稿卷一百四十二金石九

二十三

界章曲 此石今藏渭南趙氏祿姓不多見今秦中猶有此姓

文氏中金石

按此石光緒二十八年爲陶齋攜去誌中夫人之諱空格他誌往往有之孤子之名亦空格則所罕見殆撰者或不知其名而書者亦未填其名耳痼癆作痼癆謬甚

王文義墓誌銘

永隆二年

大唐故雲騎尉王府君墓誌銘并序 君諱文義京兆萬年人也

惟君稟質忠純性苞和淑溫柔表德毓志貞廉不以金玉居懷每以崇清在意豈謂善人徒喪遽奄風燈粵以永隆二年歲次辛巳正月口口朔十六日口口卒於本第崇賢之里春秋五十有四卽以其年二月六日葬於城西龍首之原禮也孤子奴子等痛深風樹恨切心脾懼陵海變遷式旌立礎嗚呼哀哉適爲銘曰 歎口

純忠奄邁朝露嗟乎淑哲遽催口素猗猗大暮喪此清廉德音無朽英靈靡瞻

強三娘造心經

永隆二年

行石一尺六寸廣一尺二寸正面書陰刻多心經並記十七

隨唐石刻拾遺云在乾州中巨寺道光已酉歲先大夫權乾州篆鳳枝隨侍於州署土地祠訪得此石其陽爲造像其陰刻心經小楷極秀逸拓得數十紙藏於篋笥以貽同好至今三十餘年矣光緒中卽墨周樹臣刺史權州篆補修志乘鳳枝告以此石可補入金石志中據云已不知所在而刺史所得令長新誠又前人所未見然則金石刻隱見不常惟載之傳記可以經久則鳳枝是書之作其可已乎

文氏中金石

按此石黃氏隋唐石刻拾遺作強三娘與毛氏正同而陸氏金

續陝西通志稿卷一百四十三金石九

二十四

石續編目爲張三娘當以其子張万基之故然此等稱謂從母家姓者居多惟原石久佚拓片強字右邊已泐無從徵實第黃氏毛氏之書成於陝西均親見此石當不致誤存俟再考

法樂法師墓誌銘

文見西華縣志

石方一尺五寸

誌略云法師諱法樂俗姓蕭氏蘭陵人也梁武皇帝之五代孫

高祖昭明皇帝曾祖宣皇帝祖孝明皇帝父瑒梁新安王隨金紫光祿大夫行內史侍郎皇朝中書令左僕射特進太子太保上柱國宋國公贈司空法師則太保之長女也以咸亨三年九月十九日遷化於蒲州相好之伽藍春秋七十有四權殯於河東以永隆二年歲次辛巳三月庚午朔廿三日辛卯歸窆于雍州明堂縣義川鄉南原禮也 此石今藏渭南趙氏法師蓋蕭